

## **Assilineqatsaaliuineq pillugu inatsisip inatsisillu allat assigiinngitsut allannguutaat pillugit inatsisip Kalaallit Nunaanni atuutilerneranik peqqussut**

(Patent- og varemærkestyrelsep sulianik il.il. suliarinninneranut akiliutit)

UAGUT MARGRTHE AAPPAAT, Guutip Saammaanneragut Danmarkip Dronningia, nalunaarpugut:

Assilineqatsaaliuineq pillugu inatsisip inatsisillu allat assigiinngitsut allannguutaat pillugit inatsisip Kalaallit Nunaanni atuutilerana pillugu inatsimmi nr. 1370-imi 28. december 2011-imi § 10, imm. 2 naapertorlugu aalajangersarneqarpoq:

### **§ 1.**

Assilineqatsaaliuineq pillugu inatsimmi, peqqussutikkut nr. 658-kkut 11. juni 2010-meersukkut atuutilersinneqartumi makku allannguutitut aalajangiunneqarput:

1. § 3, imm. 3, nr. 3-mi, “imaluunniit” peerneqassaaq.
2. § 3, imm. 3, nr. 4-mi “nunaat” kingorna: “imaluunniit” ilanngunneqassaaq.
3. § 3 b, imm. 2, *oqaaseqatigiit aappaanni* “assilineqatsaaliuinerit” imaalillugu allanngortinneqassaaq: “uumasut kinguaassioritit aamma atortut allat assileqqillugit suliarineratigut pinngortitanik uumasuneersunik”.
4. § 7, imm. 2, *oqaaseqatigiit siullianni*, “allaliussat pillugit inatsit” imaalillugu allanngortinneqassaaq: “ilusilersuineq pillugu inatsit”, aamma *oqaaseqatigiit aappaanni* “allaliussat” imaalillugu allanngortinneqassaaq: “ilusilersuineq”.
5. § 7, imm. 2, *oqaaseqatigiit pingajuanni* “Højskole” allanngortinneqassaaq imaalillugu: “Universitet”.
6. § 24, imm. 2, *oqaaseqatigiit siullianni*. “§ 19, imm. 3” allanngortinneqassaaq imaalillugu: “§ 19, imm. 4”.
7. § 33, imm. 3-mi “danskisut” kingorna ilanngunneqassaaq: “imaluunniit tuluttut”.
8. § 68 imatut oqaasertaqassaaq:

“§ 68. Immikkut sullissinernut, naqiterisitsinernut, naqitanngortitsinernut, pikkorissartitsinernut il.il.” akiliutissat pillugit malittarisassanik inuussutissarsiutinut ineriartormullu ministeri aalajangersaasinnaavoq.

9. (Kalaallit Nunaanni atuutilersinneqassanngilaq).

10. § 91, imm. 2, imatut oqaasertaqassaaq:

“Imm. 2. Allagartat illersuutit ilassutaannik suliat suliarineqarnerannut akiliut akilerneqassaaq.”

11. § 97 kingorna ilanngunneqassaaq:

## “Kapitali 10

### *Akiliutit*

**§ 98.** Danmarkimi assilineqatsaaliorneqarnissamik qinnuteqaammut akiliut 3.000 kr. akilerneqassaaq, tak. § 8, imm. 5. Aammattaaq assilineqatsaaliuineq pillugu piumasaqaatit saniatigut piumasaqaatit siulliit qulit qaangernerannut piumasaqaammut ataatsimut akiliummut ilassut 300 kr. akilerneqassaaq.

*Imm. 2.* Europami assilineqatsaaliorneqarnissamik qinnuteqaatinik Danmarkimi qinnuteqaatinngortitsinnermut akiliut 3.000 kr. akilerneqassaaq, tak. § 88, imm. 1, nr. 3. Aammattaaq assilineqatsaaliuineq pillugu piumasaqaatit saniatigut piumasaqaatitallat siulliit qulit qaangernerannut piumasaqaammut ataatsimut akiliummut ilassut 300 kr. akilerneqassaaq.

*Imm. 3.* Assilineqatsaaliorneqarnissamik qinnuteqaatit Europami atuuttut Danmarkimi atuuttussanngortinnissaannik qinnuteqaateqarnermut akitsuut 3.000 kr. akilerneqassaaq, tak. § 31, imm. 1, aamma § 38, imm. 2. Aammattaaq assilineqatsaaliuineq pillugu piumasaqaatit saniatigut piumasaqaatit siulliit qulit qaangernerannut piumasaqaammut ataatsimut akiliummut ilassut 300 kr. akilerneqassaaq. Assilineqatsaaliorneqarnissamik qinnuteqaatit nunani tamani atuuttup nuutsinnerata imaluunniit nutserneqarnerata kingusissukkut tunniunneranut akiliummut ilassut 1.100 kr. akilerneqassaaq, tak. § 31, imm. 2.

*Imm. 4.* Nunani tamalaani assilineqatsaaliorneqarnissamik qinnuteqaatit pillugit inatsimmi §§ 36 aamma 37 naapertorlugit Patent- aamma Varemærkestyrelsen suliarinninneranut 3.800 kr. akilerneqassaaq.

*Imm. 5.* Nunani tamalaani nutaarsiassiisarnermik misissuisarnermut oqartussaasunik Patent- aamma Varemærkestyrelsen misissuineranut 500 kr. akilerneqassaaq, tak. § 9.

*Imm. 6.* Assilineqatsaaliugaanermut allagartap naqitanngortinneranut akiliut 2.850 kr. akilerneqassaaq, tak. § 19, imm. 1. Aammattaaq assilineqatsaaliuineramik nassuiaatip piumasaqaatitallip, titartakkat, assit eqikkaanerillu quppernerit 35-it qaangerneranni qupperneq ataatsip naqitanngortinneranut akiliummut ilassut 80 kr. akilerneqassaaq. Naqitanngortitat amerlanerpaamik quppernerit 400-it akiliummut ilassummik akilerneqassapput.

*Imm. 7.* § 77, imm. 2 naapertorlugu assilineqatsaaliugaanermut allagartap Europami atuuttup naqitanngortinneranut akitsuut 1.050 kr. akilerneqassaaq. Aammattaaq assilineqatsaaliuineq pillugu nassuiaatip piumasaqaatitallip, titartagartat, assillu quppernerit 35-it qaangerneranni qupperneq ataatsip naqitanngortinneranut akiliummut ilassut 80 kr. akilerneqassaaq. Naqitanngortitat amerlanerpaamik quppernerit 400-it akiliummut ilassummik akilerneqassapput.

**§ 99.** Assilineqatsaaliorneqarnissamik qinnuteqaateqarnermut, assilineqatsaaliorneqarnermut aamma europamiut assilineqatsaaliuinerannut ukiumut akiliut akilerneqassaaq, tak. § 8, imm. 5, § 40 aamma § 81, imm. 1, ukiumut ima annertussusillit:

- 1) Ukiut siulliat: 500 kr.
- 2) Ukiut aappaat: 500 kr.
- 3) Ukiut pingajuat: 500 kr.
- 4) Ukiut sisamaat: 1.100 kr.
- 5) Ukiut tallimaat: 1.250 kr.
- 6) Ukiut arfernat: 1.400 kr.
- 7) Ukiut arfineq aappaat: 1.600 kr.
- 8) Ukiut arfineq pingajuat: 1.800 kr.
- 9) Ukiut qulingiluaat: 2.050 kr.
- 10) Ukiut qulingat: 2.300 kr.
- 11) Ukiut aqqarngat: 2.550 kr.
- 12) Ukiut aqqaneq aappaat: 2.800 kr.
- 13) Ukiut aqqaneq pingajuat: 3.050 kr.
- 14) Ukiut aqqaneq sisamaat: 3.300 kr.
- 15) Ukiut aqqaneq tallimaat: 3.600 kr.
- 16) Ukiut arfersaniliat: 3.900 kr.
- 17) Ukiut arfersanillit aappaat: 4.200 kr.
- 18) Ukiut arfersanillit pingajuat: 4.500 kr.
- 19) Ukiut arfersanillit sisamaat: 4.800 kr.
- 20) Ukiut inuk naallugu: 5.100 kr.

*Imm. 2.* Ukiumut akiliutit ullup akiliiffissap kingulliup kingorna tamatumalu kingorna qaammatit arfinillit tikillugit akiliutit 20 pct.-imik qaffanneqassapput.

**§ 100.** Assilineqatsaaliorneqarnermik nalunaarut pillugu akerliunerup saqqummiunneranut 2.500 kr. akilerneqassaaq, tak. § 21, imm. 1.

*Imm. 2.* Allaffissornikkut misilitseqqinnissamik qinnuteqarnermut 7.000 kr. akilerneqassaaq, tak. § 53 b, imm. 6.

*Imm. 3.* § 23, imm. 3, § 53 d, imm. 3, imaluunniit § 53 e, imm. 2 naapertorlugit assilineqatsaaliugaanermik allagartap allanngortinnerata naqitanngortinneranut akiliut 2.850 kr. akilerneqassaaq. Aammattaaq assilineqatsaaliuinermik nassuiaatip piumasaaqatitallip, titartakkat, assit eqikkaanerillu quppernerit 35-it qaangerneranni qupperneq ataatsip naqitanngortinneranut akiliummut ilassut 80 kr. akilerneqassaaq. Amerlanerpaamik quppernerit 400-it naqitanngortinnerannut akiliummut ilassut akilerneqassaaq.

*Imm. 4.* § 86, imm. 1 naapertorlugu assilineqatsaaliugaanermut allagartap allanngortinnerata naqitanngortinneranut akiliut 1.050 kr. akilerneqassaaq. Aammattaaq assilineqatsaaliuineq pillugu nassuiaatip piumasaaqatitallip, titartakkat, assit eqikkaanerillu quppernerit 35-it qaangerneranni qupperneq ataatsip naqitanngortitsinneranut akiliummut ilassut 80 kr. akilerneqassaaq. Amerlanerpaamik quppernerit 400-it naqitanngortinnerannut akiliummut ilassut akilerneqassaaq.

**§ 101.** Assilineqatsaaliorneqarnissamik qinnuteqaatip suliareqqinneqarnissaanik qinnuteqaateqarnermut 700 kr. akilerneqassaaq, tak. § 15, imm. 3 aamma § 19, imm. 4.

*Imm. 2.* Assilineqatsaaliorneqarnissamik qinnuteqaatip imaluunniit assilineqatsaaliugaaneq pillugu nalunaarutip pilersinneqaqqinnissaanik qinnuteqaateqarnermut 3.000 kr. akilerneqassaaq, tak. § 72.

**§ 102.** Assilineqatsaaliorneqarnissamik qinnuteqaatip nunani tamalaani atuuttuup tunniunneqarnissaa pillugu sulianik Patent- aamma Varemærkestyrelsip sullissineranut 1.500 kr. akilerneqassaaq, tak. § 28.

**§ 103.** Allagartat illersuutit ilassutaannik qinnuteqaateqarnermut 3.000 kr. akilerneqassaaq, tak. § 91, imm. 2. Allagartat illersuutit ilassutaasa sivitsorneqarnissaannik qinnuteqaammut 2.500 kr. akilerneqassaaq.

*Imm. 2.* Allagartat illersuutit ilassutaannut atatillugu ukiup akiliuteqarfiup ataatsip aallartinneranut 5.100 kr. akilerneqassaaq, tak. § 91, imm. 2. Ukiumut akitsuutit ullup akiliiffissap kingulliup kingorna tamatumalu kingorna qaammatit arfinillit tikillugit akiliutit 20 pct.-imik qaffanneqassapput.

*Imm. 3.* Allagartat illersuutit ilassutaannik qinnuteqaatip suliareqqinneqarnissaanik qinnuteqaateqarnermut 600 kr. akilerneqassaaq, tak. § 91, imm. 2.

*Imm. 4.* Allagartat illersuutit ilassutaannik qinnuteqaatip imaluunniit piginnaatitaaffiit pilerseqqinneqarnissaannik qinnuteqaammut 3.000 kr. akilerneqassaaq, tak. § 91, imm. 2.

*Imm. 5.* Allaffissornikkut misilitseqqinnissamut qinnuteqarnermut 1.500 kr. akilerneqassaaq, tak. § 91, imm. 2.

**§ 104.** §§ 98-103 naapertorlugit akiliutit akilikkat piffissaq eqqorlugu akilerneqartut utertinneqassanngillat.

*Imm. 2.* Akiliutit piffissaq eqqornagu akilikkat imaluunniit kingusinnerpaamik akiliiffissap naanerani naammangitsumik akiliutillu akuerineqarsinnaannginneranik kingunilimmik akilikkat, utertinneqassapput.

*Imm. 3.* Akiliineq malillugu suliarinninnissaq Patent- aamma Varemærkestyrelsip itigartippagu, akiliutit suliarinninnermut akilersimasat utertinneqassapput.

**§ 105.** Akitsuutit §§ 98-103-mi taaneqartut 2011-mi akigitinneqartunut naapertuupput.

*Imm. 2.* Akit §§ 98-103-mi taaneqartut akit akissarsiallu tamanut atuuttut aningaasanut inatsimmi atugaasanut naapertuuttut Patent- aamma Varemærkestyrelsip iluarsiivigisinnaavai. Akitsuutit atuuttut akit allattorsimaffiatigut Patent- aamma Varemærkestyrelsip tamanut ammasumik nalunaarutigissavai.”

## § 2.

Nioqqutissat ilisarnaataat pillugit inatsit peqqussutikkut nr. 856-kkut 16. december 1991-meersukkut aamma peqqussutikkut nr. 655-kkut 11. juni 2010-meersukkut Kalaallit Nunaanni atuutilersinneqartumi makku allannguutitut aalajangiunneqarput:

1. § 23, *imm. 1, oqaaseqatigiit pingajuanni*, piissaaq: “taassuma akia aningaasarsiornermut inuussutissarsiornermullu ministerimit annertussusilerneqassaaq”.
2. § 30, *imm. 1, oqaaseqatigiit aappaanni*, piissaaq: “taassuma akia aningaasarsiornermut inuussutissarsiornermullu ministerimit annertussusilerneqassaaq”.
3. § 48, *imm. 3*, imatut oqaasertaqassaaq:

*Imm. 3.* Immikkut sullissinernut, naqiterisitsinernut, naqitanngortitsinernut, pikkorissartitsinernut il.il.” akiliutissat pillugit malittarisassanik inuussutissarsiuutinut ineriartornermullu ministeri aalajangersaasinnaavoq.

4. § 48, *imm. 4-mi*, piissaaq: “kiisalu tamakkununnga akiliutit”.
5. § 48-*mi imm. 4* kingorna nutaatut ilanngunneqassaaq:

“*Imm. 5.* Qinnuteqaatit nalunaarsuutillu immikkoortinnerannut aamma ilisimatitsinermut akiliut akilerneqassaaq. EF-imi nioqqutissat ilisarnaataat pillugit suliat suliarineqarnerannut akiliut akilerneqassaaq.”

*Imm. 5* tamatuma kingorna *imm. 6-nngussaaq.*

6. § 60, *oqaaseqatigiit pingajuat*, atorunnaassaaq.
7. § 60-*imi ilanngunneqassaaq imm. 2-tut:*

“*Imm. 2.* Nunat tamat nioqqutissanut ilisarnaataasa nalunaarsorneqartarnerat pillugu suliat suliarineqarnerannut akiliut akilerneqassaaq.”

8. § 60 kingorna ilanngunneqassaaq:

“Kapitali 8 A

*Akiliutit*

**§ 60 a.** Nioqqutissap ilisarnaataata nalunaarsortinnissaanik qinnuteqaammut akiliut 2.350 kr. akilerneqassaaq, tak. § 12, *imm. 2.* Aammattaaq nioqqutissat sullissinerillu nunani tamalaani immikkoortiterarnerat pillugu Nicemi aaqquissuussineq 1957-imeersoq (Nicemi immikkoortiterineq) naapertorlugu immikkoortitsikkat siulliit pingasut qaangernerannut immikkoortitsikkamut ataatsimut akiliummut ilassut 600 kr. akilerneqassaaq.

*Imm. 2.* EF-imi nioqqutissat ilisarnaataasa imaluunniit nalunaarsortitap nunagisami qinnuteqaatinngortinneranut, tak. § 48, *imm. 5*, akiliut *imm. 1-imi* taaneqartoq akilerneqassaaq.

*Imm. 3.* Nioqqutissat ilisarnaataat nunani tamalaani atuuttup nalunaarsugaasup piiarneqarsimanera tunngavigalugu nioqqutissat ilisarnaataata Danmarkimi nalunaarsorneqarnissaanik qinnuteqaateqarnermut, tak. § 53, imm. 2, nr. 3, 1.500 kr. akilerneqassaaq.

*Imm. 4.* Nioqqutissat ilisarnaataannik nunat tamat nalunaarsuisarnerat pillugu Madrid-Arrangementimi 27. juni 1989-imeersumi aalajangersakkamut ilassummi (“Madrid-Protokollen (1989)”) aalajangersagaq 7, imm. 1 naapertorlugu nunat tamat nioqqutissat ilisarnaataannik nalunaarsuiffianni Danmarkip ilusilersuisutut inissinneranut akiliut imm.1-imi taaneqartutut naatsorsorneqassaaq.

**§ 60 b.** Nioqqutissap ilisarnaataata nutarterneranut akiliut 2.350 kr. akilerneqassaaq, tak. § 27, imm. 1. Aammattaaq nioqqutissat nunani tamalaani immikkoortitertarnerat pillugu Nicemi immikkoortiterineq naapertorlugu immikkoortitikkat siulliit pingasut qaangernerannut immikkoortitikkamut ataatsimut akiliummut ilassut 600 kr. akilerneqassaaq.

*Imm. 2.* Akiliutit imm. 1 malillugu ullup akiliiffissap kingulliup kingorna tamatumalu kingorna qaammatit arfinillit tikillugit akiliutit 20 pct.-imik qaffanneqassapput.

*Imm. 3.* Nunat tamat nioqqutissat ilisarnaataannik nalunaarsuisarnerat pillugu Madrid-Arrangementimi aalajangersakkamut ilassummi aalajangersagaq 7, imm. 1 naapertorlugu nioqqutissat ilisarnaataannik nunat tamat nalunaarsuiffianni Danmarkip ilusilersuisutut inissinneranut akiliut imm.1-imi taaneqartutut naatsorsorneqassaaq.

**§ 60 c.** Danskit imaluunniit nunat tamat nioqqutissat ilisarnaataannik nalunaarsuutaata atuuneranik akerliunermik saqqummiussinnermut 2.500 kr. akilerneqassaaq, tak. § 23, imm. 1 aamma § 60.

*Imm. 2.* Nioqqutissat ilisarnaataannik danskit imaluunniit nunat tamat nalunaarsuiffiata allaffissornikkut atorunnaarsinnissaanik qinnuteqaammut 2.500 kr. akilerneqassaaq, tak. § 30, imm. 1 aamma § 60.

*Imm. 3.* Nalunaarsuinerup § 14, nr. 1-mut imaluunniit 3-mut akerliusumik pisimanera kisiat eqqarsaatigalugu, tak. imm. 1, akerliunermut imaluunniit allaffissornikkut atorunnaarsitsinissamik qinnuteqaateqarnermut akiliummik akiliisoqassanngilaq.

**§ 60 d.** Nioqqutissap ilisarnaataanik imaluunniit nalunaarsornissaanik qinnuteqaatip immikkoortinnissaanik qinnuteqaateqarnermut, qinnuteqaatip nalunaarsorneqarnerulluunniit ataatsip peersinniarnanumut 2.000 kr. akilerneqassaaq, tak. § 48, imm. 5.

*Imm. 2.* Nioqqutissap ilisarnataanik Danmarkimi piginnaatitsissummik piginnittumik imaluunniit nunat tamat nioqqutissat ilisarnaataanik Danmarkimi atuuttumik piginnaatitsissummik piginnittumik nalunaaruteqarnermut akiliut ukiumut ataatsimut 1.000 kr. akilerneqassaaq, tak. § 48, imm. 5.

**§ 60 e.** EF-imi nioqqutissat ilisarnaataannik qinnuteqaatit pillugit sulianik Patent- aamma Varemærkestyrelsiip sullissinneranut akiliut 200 kr. akilerneqassaaq, tak. § 48, imm. 5.

*Imm. 2.* Nunat tamat nioqqutissat ilisarnaataannik nalunaarsuiffianni nalunaarsorneqarnissamik qinnuteqaatit pillugit sulianik Patent- aamma Varemærkestyrelsi sullissineranut 500 kr. akilerneqassaaq, tak. § 60, imm. 2.

*Imm. 3.* Nioqqutissat ilisarnaataannik nunat tamat nalunaarsuiffianni ilusiligaanissamik sulianik Patent- aamma Varemærkestyrelsi sullissineranut 300 kr. akilerneqassaaq, tak. § 60, imm. 2.

**§ 60 f.** Akiliutit §§ 60 a-60 e malillugit piffissaq eqqorlugu akilerneqartut utertinneqassanngillat.

*Imm. 2.* *Imm. 2.* Akiliutit piffissaq eqqornagu akilikkat imaluunniit kingusinnerpaamik akiliiffissap naanerani naammangitsumik akiliutillu akuerineqarsinnaannginneranik kingunilimmik akilikkat, utertinneqassapput.

*Imm. 3.* Akiliineq malillugu suliarinninnissaq Patent- aamma Varemærkestyrelsi itigartippagu, akiliutit suliarinninnissamut akilersimasat utertinneqassapput.

*Imm. 4.* Akerliunerup imaluunniit atorunnaarsitsinissaq pillugu qinnuteqaatip suliarinissaata atorunnaarallarsinneqarnerani aamma nioqqutissat ilisarnaataata nalunarsugaanerata atorunnaarsinnerani, nioqqutissat ilisarnaataata nalunaarsorneqarneranik akerliunerup imaluunniit atorunnaarsinnissaanik qinnuteqaatip saqqummiunneranni akiliutigisimasat affaat utertinneqassapput.

**§ 60 g.** Akiliutit §§ 60 a - 60 e-mi taaneqartut 2011-mi akigitinneqartunut naapertuupput.

*Imm. 2.* Akit §§ 60 a - 60 e-mi taaneqartut akit akissarsiallu tamanut atuuttut aningaasanut inatsimmi atugaasanut naapertuuttut Patent- aamma Varemærkestyrelsi iluarsivigisinnaavai. Akitsuutit atuuttut akit allattorsimaffiatigut Patent- aamma Varemærkestyrelsi tamanut ammasumik nalunaarutigissavai.”

### **§ 3.**

Ilusilersuineq pillugu inatsimmi, peqqussutikkut nr. 656-kkut 11. juni 2010-meersukkut Kalaallit Nunaanni atuutilersinneqartumi makku allannguutit aalajangiunneqarput:

1. § 17, *imm. 3*-mi piissaaq: “kiisalu misissuinnermut akiliummut.”

2. § 30, *imm. 1*, *oqaaseqatigiit aappaat* ima oqaasertaqassaaq:

“Qinnuteqaammik imaluunniit nalunaarsuummik nuussiffigisaq qinnuteqaammut akitsuummik akiliissaaq.”

3. § 49-mi *imm. 2* kingorna immikkoortut nutaatut ilanngunneqassaaq:

“*Imm. 3.* EF-imi ilusilersuutit pillugit suliat suliarinerannut akiliut akilerneqassaaq.”

*Imm. 3* tamatuma kingorna *imm. 4*-nngussaaq.

4. § 49, *imm. 3*, *imm. 4*-nngortoq imatut oqaasertaqassaaq:

“*Imm. 4.* Immikkut sullissinernut, naqiterisitsinernut, naqitanngortitsinernut, pikkorissartitsinernut il.il. akiliutissat pillugit malittarisassanik inuussutissarsiutinut ineriartormullu ministeri aalajangersaasinnaavoq.”

5. § 51, *imm. 2, oqaaseqatigiit aappaat*, atorunnaarsinneqassaaq.

6. § 59, *oqaaseqatigiit pingajuat*, atorunnaarsinneqassaaq.

7. § 59-imi *imm. 2-tut ilanngunneqassaaq*:

*Imm. 2.* Nunat tamat ilusilersuutitut nalunaarsuiffiat pillugu suliat suliarinerannut akiliut akilerneqassaaq.”

8. § 59-ip kingorna ilanngunneqassaaq:

## “Kapitali 10 A

### *Akiliutit*

§ 59 a. Ilusilersukkat nalunaarsortinnissaannik qinnuteqaateqarnermut akiliut 1.200 kr. akilerneqassaaq, tak. § 13, *imm. 5.* Ilusilersukkat arlariit qinnuteqaatigineranni, tak. § 15, taamatuttaaq ilusilersukkap siulliup saniatigut ilusilersukkamut ataatsimut akiliummut ilassut 700 kr. akilerneqassaaq. Ilusilersukkap siulliup saniatigut ilusilersukkap saqqummiussap ataatsip tamanut ammasumik nalunaarutigineranut akiliummut ilassut 400 kr. akilerneqassaaq.

*Imm. 2.* § 17, *imm. 2* naapertorlugu misissuineranut akitsuut 1.500 kr. akilerneqassaaq. § 15 malillugu ilusilersukkat arlallit qinnuteqaatiginerannut ilusilersukkap siulliup saniatigut ilusilersukkamut saqqummiunneqartumut ataatsimut akiliummut ilassut 900 kr. akilerneqassaaq.

*Imm. 3.* Ilusilersukkat annertuumik nioqqtissiarineqartut pillugit nunat tamat nalunaarsuiffiannik Haagimi Aaqqissuussinermut ilaatillugu Genèvemi isumaqatigiissummi 2. juli 1999-meersumi aalajangersagaq 7, *imm. 1* naapertorlugu nunat tamat ilusilersukkanik nalunaarsuiffianni Danmarkip ilusilersuisutut inissinneranut akitsuut annertussusilerneqassaaq (Genèvemi isumaqatigiissut).

§ 59 b. Ilusilersukkat nalunaarsornerata nutarterneranut, tak. § 24, *imm. 1*, piffissaliussamut ataatsimut akiliut 2.200 kr. akilerneqassaaq, tak. § 23. § 15 malillugu ilusilersukkat arlallit nalunaarsornerannut taamatuttaaq nalunaarsukkap siulliup saniatigut ilusilersukkamut ataatsimut akiliummut ilassut 1.100 kr. akilerneqassaaq.

*Imm. 2.* Allaliussat pillugit inatsimmi maannamut atuuttumi § 25, *imm. 1* naapertorlugu nalunaarsukkat nutarterneranni aalajangersakkami *imm. 1* assinganik malinneqassaaq.

*Imm. 3.* Piffissap nalunaarsorneqarfiup naanerata kingorna tamatumalu kingorna qaammatit arfinillit tikillugit *imm. 1* aamma *imm. 2* malillugit akiliutit akilerneqartut 20 pct.-imik qaffanneqassapput.



*Imm. 4.* Nunat tamat ilusilersukkanik nalunaarsuiffianni Genèvevi isumaqatigiisummi aalajangersagaq 17, imm. 2 naapertorlugu, tak. aalajangersagaq 7, imm. 1, Danmarkip ilusilersuisutut inissinnerata nutarterneranut akiliut annertussusilerneqassaaq.

**§ 59 c.** Ilusilersukkat arlariit, ilusilersukkat nalunaarsorneqarsimasut ilanngullugit, allaffissornikkut misilinneqarnissaannik qinnuteqaateqarnermut, tak. § 15 aamma § 25, imm. 4, ilusilersukkamut ataatsimut 3.000 kr. akilerneqassaaq.

*Imm. 2.* Nalunaarsukkap allanngortinnerata tamanut ammasumik nalunaarutigineranut tunngaviusumik akiliut 400 kr. akilerneqassaaq, tak. § 33, imm. 2. Aammattaaq saqqummiussap siulliup saniatigut saqqummiussamut ataatsimut akiliummut ilassut 400 kr. akilerneqassaaq.

**§ 59 d.** Ilusilersuinissamik qinnuteqaatip suliarineqaqqinnissaanik qinnuteqaateqarnermut 400 kr. akilerneqassaaq, tak. § 19, imm. 3.

*Imm. 2.* Ilusilersuinissamik imaluunniit nalunaarsorneqarnissamik qinnuteqaatip suliareqqinneqarnissaanik qinnuteqaateqarnermut 3.000 kr. akilerneqassaaq, tak. § 48.

**§ 59 e.** EF-imi ilusilersuinissamik qinnuteqaatit pillugit sulianik Patent- aamma Varemærkestyrelsip sullissineranut 200 kr. akilerneqassaaq, tak. § 49, imm. 3.

*Imm. 2.* Ilusilersukkat pillugit nunat tamat nalunaarsuiffiannut qinnuteqaatit pillugit sulianik Patent- aamma Varemærkestyrelsip sullissineranut 200 kr. akilerneqassaaq, tak. § 59, imm. 2.

**§ 59 f.** Akiliutit §§ 59 a-59 e naapertorlugit piffissaq eqqorlugu akilikkat utertinneqassangillat.

*Imm. 2.* Akiliutit piffissaq eqqornagu akilikkat imaluunniit kingusinnerpaamik akiliiffissap naanerani naammangitsumik akiliutillu akuerineqarsinnaannginneranik kingunilimmik akilikkat, utertinneqassapput.

*Imm. 3.* Akiliineq malillugu suliarinninnissaq Patent- aamma Varemærkestyrelsip itigartippagu, akiliutit suliarinninnissamut akilersimasat utertinneqassapput.

**§ 59 g.** Akitsuutit §§ 59 a - 59 e-mi taaneqartut 2011-mi akigitinneqartunut naapertuupput.

*Imm. 2.* Akit §§ 59 a - 59 e-mi taaneqartut akit akissarsiallu tamanut atuuttut aningaasanut inatsimmi atugaasunut naapertuuttut Patent- aamma Varemærkestyrelsip iluarsivigisinnaavai. Akiliutit atuuttut akit allattorsimaffiatigut Patent- aamma Varemærkestyrelsip tamanut ammasumik nalunaarutigissavai.”

#### § 4

Ilisserusiat pillugit inatsimmi peqqussutikkut nr. 657-kkut 11. juni 2010-meersukkut Kalaallit Nunaanni atuutilersinneqartukkut makku allannguutitut aalajangiunneqarput:

1. § 8, imm. 2, oqaaseqatigiit aappaanni: “ilisserusianik nalunaarsuiffiit” imaalillugu allanngortinneqassaaq: “uumasut kinguaassiortitat aamma atortut allat assileqqillugit suliarineratigut pinngortitanik uumasuneersunik”.

2. § 57, oqaaseqatigiinni siullerni, piissaaq: “akiliisitaaneq parnaarussaanerlu pillugit”.

3. § 69 imatut oqaasertaqassaaq:

“§ 69. Immikkut sullissinernut, naqiterisitsinernut, naqitanngortitsinernut, pikkorissartitsinernut il.il. akiliutissat pillugit malittarisassanik inuussutissarsiutinut ineriartornermullu ministeri aalajangersaasinnaavoq.”

4. § 73-ip kingorna ilanngunneqassaaq:

#### “Kapitali 11 A

##### *Akiliutit*

§ 73 a. Danskit ilisserusiaata nalunaarsorneqarnissaanik qinnuteqaateqarnermut 2.000 kr. akilerneqassaaq, tak. § 14, imm. 1.

*Imm. 2.* Europamiut assilineqatsaaliugaanissamik qinnuteqaataannik Danmarkimi atuuttumik ilisserusiamik qinnuteqaatinngortitsinermut akitsuut 2.000 kr. akilerneqassaaq, tak. § 36, imm. 1, nr. 3.

*Imm. 3.* Ilisserusiamik qinnuteqaatit nunani tamalaani atuuttut Danmarkimi atuuttussanngortinnissaannik qinnuteqaateqarnermut akiliut 2.000 kr. akilerneqassaaq, tak. § 29, imm. 1. Ilisserusiamik qinnuteqaatip nunani tamalaani atuuttup nuutsinnerata imaluunniit nutserneqarnerata kingusissukkut tunniunneranut akiliummut ilassut 1.100 kr. akilerneqassaaq, tak. § 29, imm. 2.

*Imm. 4.* § 19, imm. 2 naapertorlugu ilisserusiamik qinnuteqaatip misilinneqarnissaanik qinnuteqaateqarnermut 4.000 kr. akilerneqassaaq.

*Imm. 5.* §§ 33 aamma 34 naapertorlugu ilisserusiamik qinnuteqaatip nunani tamalaani atuuttup Patent- aamma Varemærkestyrelsip suliarinninneranut 2.400 kr. akilerneqassaaq.

§ 73 b. Ilisserusiamik nalunaarsugaanerup nutartertinneranut piffissaliussamut siullermut akiliut 2.000 kr. aamma piffissaliussap aappaanut akiliut 3.000 kr. akilerneqassapput.

*Imm. 2.* Akiliutit imm. 1 malillugu ullup akiliiffissap kingulliup kingorna tamatumalu kingorna qaammatit arfinillit tikillugit akiliutit 20 pct.-imik qaffanneqassapput.

§ 73 c. § 50, imm. 1 malillugu ilisserusiap nalunaarsukkap misilinnissaanik qinnuteqaateqarnermut 4.000 kr. akilerneqassaaq.

*Imm. 2.* Ilisserusiap allagartaata allanngortitap naqitiganngortinneranut 1.100 kr. akilerneqassaaq, tak. § 52, imm. 2.

**§ 73 d.** Ilisserusiamik qinnuteqaatip suliarineqaqqinnissaanik qinnuteqaateqarnermut 400 kr. akilerneqassaaq, tak. § 20, imm. 3.

*Imm. 2.* Ilisserusiamik imaluunniit nalunaarsorneqarnissamik qinnuteqaatip suliareqqinneqarnissaanik qinnuteqaateqarnermut 3.000 kr. akilerneqassaaq, tak. § 66, imm. 1.

**§ 73 e.** Nunat tamat nalunaarsuiffianut qinnuteqaatit pillugit sulianik Patent- aamma Varemærkestyrelsiq sullissineranut 1.500 kr. akilerneqassaaq, tak. § 26.

**§ 73 f.** Akiliutit §§ 73 a-73 e naapertorlugit piffissaq eqqorlugu akilikkat utertinneqassangillat.

*Imm. 2.* Akiliutit piffissaq eqqornagu akilikkat imaluunniit kingusinnerpaamik akiliiffissap naanerani naammangitsumik akiliutillu akuerineqarsinnaannginneranik kingunilimmik akilikkat, utertinneqassapput.

*Imm. 3.* Akiliineq malillugu suliarinninnissaq Patent- aamma Varemærkestyrelsiq itigartippagu, akiliutit suliarinninnissamut akilersimasat utertinneqassapput.

**§ 73 g.** Akiliutit §§ 73 a - 73 e-mi taaneqartut 2011-mi akigitinneqartunut naapertuupput.

*Imm. 2.* Akit §§ 73 a - 73 e-mi taaneqartut akit akissarsiallu tamanut atuuttut aningaasanut inatsimmi atugaasanut naapertuuttut Patent- aamma Varemærkestyrelsiq iluarsiivigisinnavaai. Akiliutit atuuttut akit allattorsimaffiatigut Patent- aamma Varemærkestyrelsiq tamanut ammasumik nalunaarutigissavai.”

## § 5

Nioqqutissat ataatsimut ilisarnaataat pillugu inatsimmi, peqqussutikkut nr. 856-kkut 16. december 1991-imeersukkut atuutilersinneqartumi makku allannguutitut aalajangiunneqarput:

**1.** § 2-mi “maleruagassat” kingornatigut ilanngunneqassaaq: “akiliutit pillugit maleruagassat ilanngullugit,”

**2.** § 4, *imm. 3*-mi “sullissinerit, naqitanngortitsinerit il.il. pillugit qinnuteqaatit tunniunnerannut suliarineqarnerannullu akiliutit” imaalillugu allanngortinneqassaaq: “immikkut sullissinernut, naqitiganngortitsinernut, naqitanngortitsinernut, pikkorissarnernut il.il. akiliutit.”

## § 6

(Kalaallit Nunaanni atuutilersinneqassanngilaq).

## § 7

(Kalaallit Nunaanni atuutilersinneqassanngilaq).

## § 8

Sulisartut nassaavi pillugit inatsimmi, peqqussutikkut nr. 334-kkut 21. september 1960-meersukkut Kalaallit Nunaanni atuutilersinneqartumi makku allannguutitut aalajangiunneqarput:

1. § 12, imm. 2-mi “sakkukinnerusumik kiffaanngissusiiagaalluni parnaarusaaq” imaalillugu allangortinneqassaaq: “Kalaallit Nunaanni pinerluttulerinermi inatsit malillugu pineqaatissiinerit”.

**§ 9**

Peqqussut manna atuutilersinneqarpoq februaarip 1-ianni 2013.

*Christiansborg Slotimi tunniunneqarpoq januaarip 18-ianni 2013*

Kunngitut Atsiorpugut Naqissusiillutalu

MARGRETHE R.

/ Annette Vilhelmsen